

清末民初
史料叢書 第三四種

據民國二年鉛印本 影印

陳夔龍撰 俞陛雲等編校

庸 盦 尚 書 奏 議
(二)

成文出版社 印行

庸盦尙書奏議

卷之四目錄

常備軍左翼三營成軍摺

光緒三十年二月二十四日

設立巡警局摺

光緒三十年二月二十四日

恭報會試知貢舉入闈日期摺

光緒三十年三月初六日

已故知縣秦篤新請入祀名宦祠摺

光緒三十年三月二十九日

遵照部議籌餉十條分別辦理摺

光緒三十年四月初六日

設立籌款所片

光緒三十年四月初六日

開辦清源局片

光緒三十年四月初六日

擴充常備軍截留協餉以資添練摺

光緒三十年四月二十七日

直豫合辦火車貨捐摺

光緒三十年四月二十八日

校閱常備六營合操情形片

光緒三十年四月二十八日

豫釐請照舊章辦理摺

光緒三十年五月十七日

拏獲會匪審明懲辦摺

光緒三十年五月十八日

籌措練兵的款摺

光緒三十年六月二十日

查勘河勢工程並報回省日期摺

光緒三十年六月二十一日

奏報河工加廂穩固片

光緒三十年六月二十一日

河工協濟路工石方片

光緒三十年六月二十一日

裁并局所差使摺

光緒三十年七月初七日

明臣張維世等籲懇列入祀典摺

光緒三十年九月初一日

清理祥符縣糧賦片

光緒三十年九月初一日

常備軍馬隊礮隊成軍摺

光緒三十年十月初六日

豫正步隊兩營成軍日期摺

光緒三十年十月初六日

擬定武備學堂試辦章程摺

光緒三十年十月初六日

鄭州知州改爲直隸州摺

光緒三十年十月二十二日

勦辦祥符東鄉地方匪徒情形摺

光緒三十年十月二十三日

清查糧賦爲難情形片

光緒三十年十月二十三日

遵設罪犯習藝所摺

光緒三十年十一月十六日

庸盦尙書奏議卷四

常備軍左翼三營成軍摺

光緒三十年二月二十四日

奏爲報明常備軍左翼三營成軍日期及籌辦各緣由恭摺具陳仰祈

聖鑒事竊臣前以駐省精銳兩營改爲常備軍並添募一營合計步隊三營作爲常備左翼於奏派道員袁世廉爲總營務處全軍翼長案內附陳聲明在案當經檄飭原帶精銳營補用參將王殿魁將原有中左兩營認真淘汰其年力精壯按合格式者一律編改就其中年力稍遜身材丈尺不符者發給恩餉資遣回籍毋得在省逗留生事並飭其攜帶招費馳往汝甯一帶選募一營就便兼招備補之兵管帶來省茲據該參將呈報募

齊所有入選兵丁均擇身家清白確係土著取具鄰證切結造具花名清冊一分交由地方官存案一分呈候點驗原存精銳兩營汰留兵丁亦遵章程一律辦理臣據報後派委藩臬兩司暨道員袁世廉前往當場唱名點驗該兵丁等年貌籍貫核與清冊相符並分起查點精銳汰留兵丁均各整齊登時分哨編排卽於本月十五日成軍薪餉於十六日起支由精銳改編者十五以前月餉仍歸支應局具領十五以後原存支應局之餉解撥糧餉局按照常備軍章程估計核發其駐紮河南府之精銳右營改爲豫北營巡隸河北鎮統轄月餉原與豫東豫南等營一律仍歸支應局開支以清界限惟是千軍易集一將難求臣查原帶精銳營參將王殿魁樸實老練久歷戎行卽委該參

將爲左翼分統兼帶中營左右兩營亦卽遴員管帶均聽翼長
袁世廉節制訓練期與右翼三營互相摩厲目前已成常備六
營由臣督飭袁世廉認真整頓總期湔除積習精熟新操蔚成
有用之兵以仰副

朝廷臥薪嘗膽力圖自強之至意現在督同司道設法籌款一
俟稍有端緒卽逐漸添練馬礮工程各隊以備緩急而資拱衛
除餉需一節另片陳明並將未盡事宜容臣酌核情形隨時奏
咨辦理外所有常備軍左翼步隊三營成軍日期及籌辦各緣
由謹繕摺具陳伏乞

皇太后

皇上聖鑒訓示謹

奏

設立巡警局摺

光緒三十年二月二十四日

奏爲豫省試辦巡警籌撥的款添募巡軍擬改保甲局爲巡警局恭摺具陳仰祈

聖鑒事竊查光緒二十八年九月十六日欽奉

上諭袁世凱奏定警務章程著各省仿照辦理等因欽此豫省爲四通八達之衝途巡警尤保商衛民之要政臣抵任後屢與司道籌商及此上年冬間就保甲局之定安營酌添巡兵小試其端省城地面遼闊數月以來竊盜之案日漸稀少似較舊時氣象已有不同此後築路開礦外人之游歷紛至沓來土著旣動多抵齟宵小復易於溷跡其藉以考察輿情消弭嫌釁者舉辦巡警莫切於斯臣前於裁兵案內聲明節存之餉除充咨送

北洋學堂弁兵經費下餘撥歸巡警之用並聲明未裁兵丁分
紮各州縣汎地一律改爲守兵爲將來并入巡警張本奏奉

俞旨欽遵在案惟是事必由近及遠省會之一舉一動尤爲四
方所具瞻若照直隸局制餉章規模宏闊需餉浩繁一時力實
未逮惟有改保甲爲警察改練兵爲巡軍則事可立行而民亦
稱便當經督飭司道悉心核議參仿直隸原奏並就本省民情
風土所宜妥酌辦法一面裁撤保甲局設立巡警局將定安營
汰弱留強添募成五百人之數改爲巡警軍以藩臬兩司督理
局務並委候補道吳崧爲總辦候補道馬開玉爲會辦按段設
大小分局遴派員紳認真稽查彈壓其巡軍一營並責成管帶
督操各員值班梭巡更番訓練此外另設工兵八十名專司清

理街道計官弁兵夫共六百數十員名分布城廂內外均聽總局節制調遣嗣後各屬續辦巡警歸并巡軍亦由總局頒發警務規條以期逐漸經理庶幾呼應靈捷於地方緝捕諸事不無裨益至應需經費查原有保甲員紳勇役各項用款向由支應局平餘外銷項下津貼開支款項不敷隨時零星挪湊今既改爲巡警增募巡兵自應籌有著之款以資經久除支應局平餘一項仍歸該局開支外新籌的款計裁兵一項一萬二千餘兩下餘不敷之數統在司庫漕折留備本省軍需項下動用將來據實造報作正開銷現在規模已具業於正月初一日開辦應俟著有成效再籌款添設警務學堂飭令巡兵分班學習並令警務各官弁入堂講求庶可逐漸推行外府州縣以仰副

聖主禁暴詰奸保衛閭閻之至意除將未盡事宜及隨時察酌情形應行興革變通之處容臣另案奏咨辦理外所有豫省試辦巡警酌擬局制餉章緣由理合恭摺具陳伏乞

皇太后

皇上聖鑒飭部立案施行謹

奏

恭報會試知貢舉入闈日期摺

光緒三十年三月初六日

奏爲恭報借闈會試微臣入闈日期仰祈

聖鑒事竊照本年舉行甲辰

恩科會試仍借闈河南蒙

欽派內閣學士臣熙瑛與臣夔龍知貢舉由禮部司員齎到關防業將應行籌辦事宜遵照例章參酌上屆會試借闈辦法遴委各項員弁並飭藩司會同禮部提調妥爲備辦今正考官臣裕德副考官臣張百熙陸潤庠戴鴻慈暨同考官內監試等先後抵豫進場臣卽於三月初六日入闈會同臣熙瑛認真彈壓稽查務期益加慎密以仰副

朝廷拔取真才至意所有本科借闈會試微臣入闈日期理合

恭摺具陳伏乞

皇太后

皇上聖鑒謹

奏

已故知縣秦篤新請入祀名宦祠摺

光緒三十年三月二十九日

奏爲已故升任知縣功德在民請祀名宦以順輿情恭摺仰祈聖鑒事竊查嘉慶二十五年四月初十日奉

上諭嗣後各直省凡有題請入祀名宦鄉賢者該督撫務當確切查核不得以名實不符者濫竽陳奏部臣尤應秉公核議不可稍涉瞻徇等因欽此又於光緒五年二月二十九日准禮部咨嗣後凡入祀名宦鄉賢者須俟其人身歿三十年後方准具題核辦若未及三十年者無論子孫有無現任九卿不准題請各等因歷經遵辦在案茲據署沈邱縣知縣姚晟年詳准儒學牒轉據閭邑紳耆舉人郭森李蔭樟等聯名公稟已故署光州直隸州知州前任沈邱縣知縣秦篤新兩任沈邱功德在民臚